



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Sigillo Confessionis.

urn:nbn:de:hbz:466:1-41767

positum non peccandi : & doceat quo modo talis dolor sit eliciendus : item præcipua Fidei mysteria , si pœnitens sit rudis , & fortè illa ignoret : & breuiter hortetur ad vitæ emendationem , & neque ob multitudinem pœnitentium hæc relinquat , si videantur necessaria.

53. Potest , & debet interdum Confessarius denegare absolutionem ad tēpus , si id iudicauerit necessarium ad salutem pœnitentis : vt scilicet ille relinquat proximas occasiones , vel restituat , vel quid simile faciat iudicio Confessarij necessarium.

De Sigillo Confessionis.

54 **F**X confessione Sacramentali oritur sigillum , quod est obligatio Confessarij ad nō reuelanda peccata audita in tali confessione , etiam post mortem pœnitentis. Primo autem , & principaliter cadunt sub sigillum peccata : secundò omnia , ex quibus peccati alicuius possint auditores venire in cognitionem : tertio defectus naturales,

D 7 qui

qui solent minuere bonum nomen, & honorem, aut famam alte ius: & vniuersaliter alia, quæ possunt reddere odiosam confessionem: non autem alia, quæ non pertinent ad confessionem. Ad hoc autem sigillum tenetur Confessarius tã ex fidelitate, quàm ex iustitia, & ex religione: & præcepto diuino, & naturali, & ecclesiastico.

55. Non potest Confessarius dicere talem v. g. confessum esse peccata mortalia, etiam in genere, & multo minus in particulari: potest tamen in genere dicere, quòd confessus sit venialia: quia confessio, & absolutio non potest esse saltem sine venialibus: vnde hoc non est reuelare confessionem: non poterit tamen dicere, talem confessum esse hoc, vel illud veniale in particulari: neque confessum esse multa, aut magna venialia determinatè: neque potest facere comparationem inter pœnitentes, asserendo aliquem esse bonum virum, non item alium, & similia, si solum loquatur ex notitia habita in confessione: neque potest vti notitia in confessione habita in damnum, siue spirituale,

rituale, siue temporale pœnitentis: item in nullo prorsus casu licet frangere hoc sigillum: neque in illo datur paruitas materiæ ex parte reuerentiæ Sacramentalis, & fidelitatis in re tam graui.

56. Non solum cum alijs, sed neque etiam cum ipso pœnitente, potest Confessarius loqui extra confessionem de peccatis ipsius auditis in confessione. Quare si aliquando ad supplendum aliquem defectum in confessione commissum, indigeat Confessarius loqui de peccatis cum ipso pœnitente; petat ab ipso veniam loquendi cum ipso de materia pertinente ad confessionem: quòd si pœnitens id neget, quod tamen facere non debet; moneat ipsum Confessarius de suo malo statu in neganda hac licentia. Aliqui etiam volunt, quòd tunc potest loqui cum ipso de tali peccato, vel defectu, saltem addens, se loqui in confessione: quia tunc pœnitens irrationabiliter est inuitus. Ita *Suar. tom 4 in 3. p. distinct. 33. sect. 5. n. 3.* Item si pœnitens extra confessionem incipiat loqui cū Cōfessario de peccato, quod

quod confessus est ; poterit Confessarius loqui de eodem cum pœnitente: quia iam pœnitens videretur licentiam dare Confessario Bonacina *tom. 1. disp. 5. quest. 6. punct. 4. num. 11.*

57. Agunt de hoc Sacramēto passim Theologi, & Casistæ. *Suar. 3. par. tom. 4. Filliuc. tom. 1. tract. 6. & sequent. Bonac. tom. 1. tract. de Sacram. disp. 5. Tolet. lib. 3. Fagund. de Ecclesia præcepto 2. Diana par. 3. tract. 4. & Alij.*

CIRCA BVLLAM Cruciatæ.

AD Sacramentum Pœnitentiæ conuenienter adnecti solet notitia de bulla Cruciatæ, & Iubileis : in his enim frequens esse solet vsus confessionis: & etiam multa priuilegia conceduntur pœnitentibus in ordine ad hoc Sacramentum. Quare more nostro aliqua magis necessaria, & communia afferemus: reliqua legi possunt apud Auctores citandos.

2. Bulla